

ENSCINUAZION A LA SCOLINA PER L'A.S. 2017/2018

AVIS

Vegn fat a saer che se podarà enscinuèr i bec che jirà a la scolina te l'an de scola 2017/2018 dal 1^m de firé 2017 ensclin ai 10 de firé 2017. Se pel enscinuèr i bec che i à jà fat o che i fajarà i trei egn dant dai 31 de jené del 2018 e i bec fin a l'età de òblig de scola (i bec nasciui da l'1 de jené del 2012 ai 31 de jené del 2015). La domana la pel vegnir portèda dant demò te una scolina.

La enscinuazion la vegn domanèda dai genitores o da chi che fèsc sia vezes a na vida legala tras na domana sun papier zenza bol, outa al Comitad de gestion de la scolina olache se vel enscinuèr l bez, da scriver ite sul model apostà che se l pel troèr te duta la scolines. L model de enscinuazion l pel vegnir desciarià, per la scolines equiparèdes de la federazion, dal sit internet de la Federazion provinzièla de la scolines a chesta direzion www.fpsm.tn.it.

L paament per la doura del servije de l'orarie sperlongià l'é stat determinà per l'a.s. 201/2018 te la tarifa a l'an entrà de 240 euro per n'ora en di, de 490 euro per doi ores en di e de 740 euro per trei ores en di. Per la families che domana n didament aldò del model Icef, la tarifes minimales a l'an les é stabilides te 90 euro per n'ora en di, 185 euro per doi ores en di e 280 euro per trei ores en di. Per chel che revèrda l paament per la doura del servije de l'orarie sperlongià, vegn recordà de fèr l paament de la tarifa dant de en vender ai 7 de oril del 2017, termin da respetèr per l paament e la consegna de la atestazion de paament aldò. **L servije de orarie sperlongià l vegnirà metù a jir demò per la domanes perfezionèdes, dant dai 7 de oril del 2017, co la consegna del rezepris de paament.**

Ge vegn recordà a duta la families de ge fèr a saer avisa a la scola se i bec i menciassa da la frequenza ordenèra e dal servije de orarie sperlongià. Tel particulèr vegn sottrissà che i caji de mencianza zenza giustificazion i podessa determinèr, aldò di termins e de la prozedures pervedudes tel pont. 9.4 de la Modalitèdes de enscinuazion per l'an de scola 2017/2018, la decadenza e la revoca dal servije medemo. Per la mencianzes zenza giustificazion dal servije de orarie sperlongià l'aministrazion la se resserva ence l met de domanèr l paament de na quota de integrazion, ensclin a ruèr al paament de la tarifa entrà.

ENSCINUAZIONI DANTFORA

La families che à bec nasciui ti meis de firé e mèrz del 2015 e che à enteress a i fèr jir a la scolina a scomenzèr da jené del 2018, i pel portèr dant la **domana de enscinuazion dantfora** te la scolina dai 1 ai 10 de firé del 2017. La enscinuazion dantfora la ge dajarà l met a la families de aer la prezedenza ti posé a la leta per jené 2018, lascian a valer la conferma de la domana dai 2 ai 6 de otober del 2017.

I criteries per la enscinuazions i met na gran atenzion per i neves besegnes de la families, a cajon di spostamenc per lurier sul teritorie e dal besegn de se emprevaler de na rei de didament più gran tel se endrezèr. L'obietif l'é chel de didèr la families te sie projet de vita, ge dajan l met de scriver ite l bez te na scolina desvaliva da chela che l'é te sie raion de utenza se la cernuda la vegn cà da l'aer l lurier aló de amàncol un di genitores o dal besegn de se emprevaler di giaves – che i à aló sia residenza o sie domizilie – per rencurèr l bez.

